

# MOKGWA WA HO FUMANA "MY COMPLIANCE PROFILE" KA SARS EFILING

Profaele ya Boikobelo (MCP) e neha balefi ba lekgetho monyetla wa ho bona maemo a bona a boikobelo ba tefo ya lekgetho ho ya ka SARS hore ba lokise diphoso dife kapa dife tse teng. Ho tsebiswa ha MCP bo thusa balefalekgetho ka ho ba neha lesedi le eketsehileng mabapi le boikobelo ba bona ba tefo ya lekgetho mme mokgwa ona ke ona o nkelang mokgwa wa jwale wa Setifikeiti se Pakahatsang Tefo ya Lekgetho (TCS) sebaka (mohlala bakeng sa Thenda kapa Ho ba Dibukeng tse Ntle le tse ding).

Ho bohlokwa hore o dule o lekola Maemo a hao a Boikobelo ba Tefo ya Lekgetho Sena jwale se ka etswa ha bobebe le ha bonolo ka [SARS eFiling](#). Latela mehato ena ho "My Compliance Profile" (Profaele ya ka ya Boikobelo ba Tefo ya Lekgetho) ho boha maemo a hao a boikobelo ba tefo ya lekgetho kapa mabaka a hore ke hobaneng o se maamong a matle le hore o ka lokisa seo jwang.

## Mohato wa 1: Kena ho eFiling

Ikenele ho eFiling ka ho sebedisa *login name* le *password*. Ebang o so sebedise eFiling, ingodisetse seo ho [www.sars.gov.za](http://www.sars.gov.za).

O lokela hore o be o ingodiseditse eFiling mme o na le sehlahiswa se le seng sa lekgetho [se kang Lekgetho la Leken, Lekgetho la Boleng bo Ekeditsweng (VAT) kapa Lekgetho la Lefa o ntse o fumana moputso (PAYE)] se seng se sebetsa profaeleng ya hao jwalo ka molefalekgetho hore tshebeletso ena ya Maemo a Boikobelo ba Tefo ya Lekgetho (TCS) e qale ho sebetsa.

## Mohato wa 2: Etsa hore tshebeletso ya Maemo a Boikobelo ba Tefo ya Lekgetho e sebetsa

Batsamaisi ba eFiling ba mekgatlo le ditsebi tsa lekgetho ba tlameha ho etsa bonnete ba hore basebedisi ba hlohang ho fihlella tshebetso ya maemo a boikobelo ba tefo ya lekgetho ba abilwa ditokelo tse nepahetseng. Ho fumana lesedi le fetang lena mabapi le kabo ya ditokelo tsena sheba "[Guide to the Tax Compliance Status Functionality on eFiling](#)". (Tataiso e mabapi le boemo ba ho ikobela tefo ya lekgetho ho eFiling).

O lokela ho thakgola Maemo a hao a Boikobelo ba Tefo ya Lekgetho hang feela mme a tla dula a ntse a sebetsa. Phethela motjha wa ho kopanngwa ha ditheo (Merge Entities) ho bona profaele e felletseng ya makgetho ohle (ebang o ingodiseditse makgetho a mangata). Hang ha o se o entse hore e sebetsa mme o kopantse kapa o tsebahaditse dinomoro tsohle tsa hao tse ngodisitsweng tsa lekgetho, o tla fuwa tumello ya ho kena ho "My Compliance Profile" (MCP).

## Mohato wa 3: Ho boha "My Compliance Profile"

O ka boha profaele ya hao ya ho ikobela tefo ya lekgetho ka ho kgetha "My Compliance Profile" menyung.

Maemo a hao a boikobelo ba tefo ya lekgetho a tla sebetswa ke SARS ho itshetlehlwe hodima ditlhoko tsena tse nne tsa boikobelo:




- **Maemo a Ngodiso** – o lokela hore o be o ingodiseditse le hore o be o ntse o sebedisa dihlahiswa tsa lekgetho tseo o ikarabellang ho tsona;
- **Nyehelo ya Dikgutliso** – netefatsa hore ha ho dikgutliso dife kapa dife tse eso kgutle ka mora hore ho fete matsatsi a neng a behilwe;
- **Sekoloto** – netefatsa hore ha o na sekoloto sefe kapa sefe sa lekgetho la SARS seo o eso se lefe mme o eso etse ditlhophiso tsa ho se lefa;
- **Ditokomane tse Tshehetsang tse amehang** – netefatsa hore ha wa sitwa ho nehelana ka lesedi le neng le batlwa ho wena ke SARS.

Sekirini sa MCP se shebehala tjena:

## TAX COMPLIANCE STATUS

CLIENT DETAILS	REFRESH STATUS
Client Name:	Last Refreshed: 11/4/2015 2:42:46 PM
Trading As:	
Registration Number:	
Tax Reference:	


  

SEARCH RESULTS		
<b>MY COMPLIANCE PROFILE</b>		
<b>MY COMPLIANCE PROFILE</b>		
REGISTRATION	Compliant	
SUBMISSION OF RETURNS	Compliant	
DEBT	Compliant	
RELEVANT SUPPORTING DOCUMENTS	Compliant	
 Further Information	 Challenge Status	 How to address non-compliance

Ho tla hlaha profaele e mebala ho o bontsha hore o ikobetse tefo ya lekgetho kapa tjhe.

- **Bofubedu – Merero ya hao ya lekgetho ha e maemong a matle mme ha o ikobele tefo ya lekgetho**
- **Botala – Merero ya hao ya lekgetho e maemong a matle mme o ikobela tefo ya lekgetho.**

Ka ho kgetha dikonopo tse atalolang ka ho le letshehadi ho Registration, Returns Submission, Debt and Relevant Supporting Documents,, moesebedisi wa eFiling o tla fumana moo ho pepesitswe lesedi le fetang lena mabapi le maemo a boikobelo ba tefo ya lekgetho. Ebang o bona konopo e kgubedu e mabapi le ho se ikobele tefo ya lekgetho, e

atolose hore o bone sesosa sa ho se ikobele tefo ya lekgetho le hore o ka lokisa seo jwang. 

**Ditshupo tsena tse mebalabala ke kakaretso ya maemo a hao a boikobelo ba tefo ya lekgetho ho ipapisitswe le ditlhoko tsa boikobelo ba hao.**

Ho fumana dintlha tse fetang mona ka mehato ena, boha [Guide to the Tax Compliance Status on eFiling](#) ho eFiling.

### Ke etsa eng ebang “My Compliance Profile” e le KGUBEDU?

#### Boikgethelo ba 1: Lokisa ho se ikobele

Hore o lokise boemo ba ho se ikobele tefo ya lekgetho, o ka ikgethela tshupo ya “Non-compliant” ho bona hore ke mehato efe eo o lokelang ho e nka ho lokisa seo. Ntle le moo, o ka lokisa boemo bona ba ho se ikobele tefo ya lekgetho ka ho latela dikanale le metjha e teng.

#### Boikgethelo ba 2: Ho ipelaetsa mabapi le maemo a hao a boikobelo ba tefo ya lekgetho

Ebang o sa kgotsofala kapa o sa dumellane le meemo a hao a ho ikobela tefo ya lekgetho, o ka hlahisa mabaka ho SARS hore e lekole ditaba tsa hao tsa lekgetho botjha. Sena se ka etswa ho eFiling ka ho tobetsa “Challenge Status” le ho nehelana ka mabaka a hore ke hobaneng ha SARS e lokela ho lekola ditaba tsa hao tsa lekgetho hape. Ka mora ho kenya tsena o tla fumana lengolo le ananelang kamohelo mmoho le nomoro ya nyewe. Ebang o na le ditokomane tsa

tshehetso jwalo ka bopaki nyeweng ya hao, jwale o tla boela o kgona ho kenya sena ka tshebediso ya leqephe la tshebetso ya dinyewe.

Tshebetso ya "My Account Enquiries" e tlasa menyu wa "Tax Compliance Status" e o dumella ho boha dipatlisiso tsa akhaonto mmoho le kgatelepele ya tsona ho "Challenge Status".

## **O hloka thuso?**

Letsetsa SARS Contact Centre ho 0800 00 SARS (7277) kapa etela [lekala la hao le haufi la SARS](#).